



REPUBLIKA E SHQIPËRISË  
MINISTRIA E SHËNDETËSISË  
DHE MBROJTJES SOCIALE  
INSTITUTI I SHËNDETIT PUBLIK

Nr. 543/14 Prot.

Tiranë, më 23.09.2020

**UDHËZUES I MASAVE HIGJENO SANITARE COVID-19  
NË BARE OSE RESTORANTE NË MJEDISE TË MBYLLURA**

*Ky është një udhëzues i përkohshëm gjatë kësaj faze dinamike të pandemisë COVID-19 dhe për këtë arsye do të rifresoket sërish sipas nivelit të risku.*

Personeli i shërbimit apo i përgatitjes së ushqimit gjatë komunikimit me klientët duke patur kontakte të shkurtra dhe afatgjata, sjell burime të mundshme të ekspozimit si dhe duke vijuar më pas me prekjën e hundës, gojës ose syve pas trajtimit të sendeve, parave ose produkteve që kanë prekur klientët me COVID-19. Për këtë arsye subjektet bar kafe ose restorante duhet të ndjekin udhëzimet si më poshtë:

- Sipas rastit Administratori/Personi Fizik Tregtar/Personi Përgjegjës i Autorizuar/ (këtu e në vijim personi përgjegjës) kryen çdo ditë vetëvlerësimin personal dhe vlerësimin për prezencën e simptomave të COVID-19 në personat e punësuar. Në rast të simptomave, nuk duhet lejuar në asnjë rast vijimi i aktivitetit nga personi përkatës dhe duhet të raportohet menjëherë si rast në numrin **127**. Nëse personi shfaq simptoma ndërkohë që është duke punuar apo pas punës, ky person duhet të njoftojë menjëherë mjekun e familjes. Asnjë person i shërbimit me temperaturë 37.5 nuk duhet të lejohet të hyjë në subjekt.
- Për çdo rast personi përgjegjës lajmëron menjëherë strukturën përkatëse veçanërisht Njësinë Vendore të Kujdesit Shëndetësor.
- Pavarësisht sa më sipër, personat e punësuar kryejnë çdo ditë vetëvlerësimin personal nëse kanë simptoma të COVID-19 sipas checklistës së miratuar. Në rast të simptomave personi duhet të njoftojë menjëherë mjekun e familjes dhe personin përgjegjës.

- Çdo punonjës i bar kafe ose restorant është i detyruar të deklarojë ndaj personit përgjegjës nëse ka patur kontakt me persona të cilët rezultojnë apo kanë rezultuar pozitiv me COVID-19.
- Çdo punonjës i bar kafe ose restorant që vëren shenja klinike gjatë qëndrimit në banesë nuk duhet të paraqitet në punë dhe duhet të lajmërojë menjëherë subjektin pronar. Punonjësi duhet të telefonojë mjekun e familjes.
- Në hyrje te subjektit bar kafe ose restorant duhet të ofrojë produktin higjienizues të duarve për klientët dhe të kujdeset për rimbushjen e tyre. Përqindja e substancës aktive duhet të jetë minimalisht 60%.
- Personeli i punësuar duhet të vendosin maskën mbrojtëse duke mbuluar hundën dhe gojën.
- Në çdo rast të sigurohet ventilim (ajrimi) natyral të paktën 5 herë në ditë.
- Klienti dezinfekton duart në hyrje dhe dalje nga bari ose restoranti. Higjienizues me nivel përmbajtje alkooli 60%.
- Subjekti bar apo restorant duhet të garantojë dhe respektojë distancën prej 1,5 metra në çdo veprimtari gjatë shërbimit.
- Subjekti restorant nuk duhet të sigurojë vetë-shërbim.
- Subjekti bar apo restorant duhet të garantojë të shërbehet me menu elektronike, ose menu të plastifikuara të cilat pastrohen e desinfektohen.
- Punonjëset e arkës dezinfektojnë duart pas çdo veprimi me “cash”.
- Nëse pagesa bëhet në arkë subjekti i bar kafe ose restorant duhet të vendosë xham mbrojtës (plexiglass) midis punonjësit dhe klientit.
- Subjekti bar kafe ose restorant duhet të vendosi në sipërfaqen e ambjentit të mbyllur tavolinat në distancë 2 m larg njëra - tjetrës, distancë kjo e respektuar në të gjitha drejtimet.
- Subjekti bar kafe ose restorant për të ruajtur distancimin fizik me klientët duhet të sigurojë një korridor të dedikuar për klientët deri në nivelin e arkës dhe një korridor për daljen nga ambjenti. (në varësi të sipërfaqes në dispozicion)
- Subjekti bar kafe ose restorant duhet të vendosi shenjat vizuale në dysheme, shirita me ngjyra, ose shenja për t'u treguar respektimin e distancës fizike.
- Personat e tretë si furnizuesit, shpërndarësit duhet të kryejnë aktivitetin vetëm të pajisur me maska.

- Subjekti bar kafe ose restorant duhet sigurojë pastrimin dhe dezinfektimin e sipërfaqeve me nivel të lartë prekje të shpeshtë, dorezat e dymve, tavolinat, tabaka shërbimi dhe banakët e ambientit të tij.
- Subjekti duhet të kryejë dezinfektim të ambientit dhe larje para hapjes dhe pas mbylljes dhe të paktën 2-3 herë në ditë. Produktet përdoren në përputhje me udhëzimet përkatëse nga prodhuesi/shitësi apo Minsitria e Shëndetësisë dhe Mbrojtjes Sociale.
- Punonjësit gjatë punës apo ndërrimit të turneve nuk duhet të përdorin mjetet apo vendin e punës së kolegëve pa kryer dezinfektimin.
- Subjekti duhet të afishojë në vende të dukshme në brendësi të subjektit bar kafe ose restorant posterin informues mbi uljen e riskut të COVID-19 dhe udhëzuesin sipas tekstit të miratuar sipas formatit të miratuar.
- Subjekti bar kafe ose restorant duhet të afishojë deklaratën për zbatimin e udhëzuesit, sipas formatit të miratuar ku përfshihet detyrimi për vetëvlerësim të simptomave nga personeli i punësuar/administratori.

**DREJTOR**

**Albana FICO**

